



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 48. Quæstio Monachorum ex Scythia.

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

Sæculum VI. Kal. Aprilis Valerio Consule id est 26.
A. C. 519. Martii anno 521. data.

§. XLVIII.

Quæstio Monachorum ex Scythia.

Illo tempore quo Hormisdæ Papæ Legati Constantinopolim pervenerant, Disputatio fervebat circa illam Propositionem: *Unus ex Trinitate crucifixus est.* Pro affirmativa pugnabant Monachi ex Scythia, quibus Comes Vitalianus patrocinabatur. Eorum Monachorum aliquis, cui nomen Leoncius, se Comiti affinitate junctum dicebat. Ceterum Joannes Maxentius inter Ceteros Eruditione eminebat. Hi Monachi aliquos suæ Provinciæ Episcopos, & inter alios Paternum Tomitanum accusabant; item Diaconum, cui nomen Victor, quod in Fide erraret, & Libellum contra ipsum Legatis Papæ Episcopo Constantinopolitano obtulerunt. Habemus Libellum Legatis traditum; queruntur Monachi accusari se, quod Fidei aliquid addant, cum Patrum opiniones contra Concilii Calcedonensis hostes docerent. Fidei suæ expositionem de Incarnatione & Gratia tradunt, & Legatorum Judicio submitunt.

Sug. Diosc.
to. 4. Conc.
p. 1612.
p. 1519.
Sug. Germ.
p. 1514.

Bibl. PP. to.
4. p. 534.

Ubi de Incarnatione agunt, præprijis Nestorium & Theodorum Mopsuestensem refutant. Contendunt, istos efficacius erroris convinci non posse, quam dicen-

dicendo; Unum ex Trinitate passum fu-
 isse. Afferunt etiam ita locutus fuisse
 Patres, sed verba propria nullius addu-
 cunt, nisi Procli in Epistola ad Armenos.
 In altero Articulo de Gratia; statuunt
 Peccatum originale, & Necessitatem
 Gratia. Nihil in hac Expositione legi-
 tur, quod non Catholicum sit.

Quamvis Legati Pontificis nollent
 aliud Negotium in se suscipere quam il-
 lud, ad quod expediendum missi fuerant,
 tamen resistere non potuerunt Vitaliani,
 & Imperatoris Voluntati, invitantium se
 ut Patriarcham Constantinopolitanum
 inviserent, Quæstionem istam Examini
 subjicerent, & litigantes conciliarent. Er-
 go convenerunt. Patriarcha arrepto Con-
 cilio Calcedonensi coram omnibus illud
 Decretum legit dicens: *Nemo his quidquam
 aliud addat; hæc credentes Catholici sunt.*
 Victor Diaconus dixit: *Hæc credo, & reci-
 pio Epistolas Leonis Papæ, atque S. Cyril-
 li, quas Concilium refert. Subscribo ma-
 nu mea, & juramento affirmo, me aliud
 nihil defendere.* Monachi Scythæ dixe-
 runt: *addatur: unus ex Trinitate.* Le-
 gati Papæ responderunt: *non possumus
 addere, quod in quatuor Conciliis, & in
 Epistolis S. Leonis definitum non est.* Hæc
 Responsio Scythis displicuit.

Sæculum VI.
 A. C. 519.

Unus Cruci-
 fixus est.

Vitalianus deinde accersivit Victo-
 rem coram se, & Patriarcha Constanti-
 nopoli-



Sæculum VI
A. C. 519.
Sug. Germ.
p. 1514.

nopolitano non accersitis Legatis, qui acta inter eos ignorarunt, nisi quod adverterent, Victorem amplius ad se non venire, & causam non fuisse examinatam. Post multa & inutilia inter Legatos, & Monachos Scythas Colloquia, Imperator in Conventu publico presentibus Legatis Episcopum Paternum & Vitalianum, alterum alteri reconciliavit, iussitque Accusatores ejus tanquam suo Episcopo deinceps subjici, & pro venia deprecari. Quærebantur etiam Monachi, ut ad Pacem ineundam cogerentur; ipsi vero Constantinopoli excesserant, & Romam versus iter capebant sperantes, ibi ratam habendam Propositionem suam: *Unus ex Trinitate &c.* & aliquas alias Auctoritate Papæ confirmandas. Papa Monachos adventuros didicit ex Legatorum suorum Epistolis 29. Junii 519. datis. Accusabant Monachos Scythas; his ipsis neminem magis obstitisse, quo minus in Locum Severi alius Episcopus eligeretur.

p. 1513. Legati in eadem Epistola de Propositione Scytharum suam Sententiam edicunt. *Ille modus loquendi, dicit Dioscorus Legatus, nec in Conciliis, nec in Epistolis S. Leonis legitur, nec eo unquam Ecclesia usa est. Imperator Anastasius Catholicos cogere volebat, ut hanc Additionem reciperent, & Discipuli Eutycis eandem*

eandem in Concilio Calcedonensi recipi optabant. Mibi vero videtur, ad Pacem Ecclesiarum conservandam utilius futurum, si ipsis respondeatur, Concilium, & Epistolas S. Leonis nobis sufficere. Nec volumus nec possumus quidquam novi in Ecclesiam afferre. Dicent: Recipimus Concilium Calcedonense, sed speramus, curaturos vos, ut nobis hujus Concilii Doctrina explicetur. Astute hoc petunt, nec ea de causa, quod Concilii Doctrinam non satis intelligant, sed ad disputandum nos inducere cupiunt. Si autem cedamus, & quidquam novi adjiciatur, omnia, quæ hactenus ædificata sunt, mea quidem opinione destruentur.

Comes Justinianus quoque se Monachorum Scytharum Adversarium profiteri cœpit, forte, ut se opponeret Vitaliano eorum Patrono, quem ut æmulum averfabatur. Scripsit igitur Papæ, inter alia dicens; Hos Monachos quietis officinas Pacem Ecclesiarum novis & absurdis vocibus turbare velle. Rogat, ut eos habeat, sicut merentur, & procul a se repellat. *Nomina eorum, inquit, sunt Achilles, Joannes, Leontius, & Mauritius. In alia Epistola, postquam, ut creditibile est, rem mature pensasset, rogat Pontificem, ut Quæstionem definiat, & hos Monachos dimittat; subjungit: Lis est de nudis vocibus; omnes Catholici in*

Z 5 eodem

Sæculum VI.
A. C. 519.

p. 1516.
propitia.

p. 1517.
ut pleniss.

Seculum VI. eodem Sensu consentiunt. Sed illud De-
A. C. 519. Et inam Catholicam credemus, quod Tu
definieris.

§. XLIX.

Epistolæ Pontificis.

Epist. 66. Respondit Papa: *Volebam statim Monachos, de quibus mihi scripseras, a me repellere. Ipsi vero testabantur Deum, se Constantinopolim reverterentur, in itinere se vita periclitaturos. Itaque non iussi viros ejici, sed credidi, reditum Legatorum meorum expectandum, ut Disputationis hujus materiam accurate rescirem.*

Epist. 67. Hæc Epistola secunda Sept. anno 519. data. In alia ad Justinianum Epistola petit Papa, ut Imperator Romam mittat Victorem Diaconum, quem Monachi accusabant, omnesque illos, qui quæstiones periculosas movebant.

Eadem occasione usus Pontifex Legatis suis scripsit; videri sibi optimum, hanc Causam Episcopo Constantinopolitano delegare, qui utramque Partem audiret. Ad hæc Dioscorus Legatus Papæ *Sug. Diosc.* respondit: *hoc consilium mihi placebat, p. 1519. nam qui secuta est conscientia, iudicium non refugit. Scripsisti mihi, hos Protestationem tradidisse, ne Hæretici se mihi jungerent. Nescio, quos ipsi Hæreticos vocent, nisi illos, qui Concilium Calcedonense recipiunt, & quos ego Catholicos voco.*